

Abdullah dan Najib
Chedet.co.cc
June 17, 2008
By Dr. Mahathir Mohamad

1. Kita di beritahu oleh Dato Seri Abdullah Ahmad Badawi bahawa dia dan Dato Seri Najib Tun Razak telah bersetuju dengan peralihan kuasa. Tetapi tidak pula disebut bila tarikh itu.
2. Najib pula berkata dia mahu kuasa (Presiden UMNO dan Perdana Menteri) diserahkan kepadanya di waktu parti dan Kerajaan berada dalam keadaan sihat walafiat sepertimana yang kononnya pengganti Presiden dan Perdana Menteri dahulu semuanya menerima peralihan kuasa apabila parti dan Kerajaan sudah dipulihkan dan berada dalam keadaan sihat.
3. Sebenarnya semasa saya mengambilalih daripada Tun Hussein Onn ekonomi negara sedang merosot. Sebab itu langkah pertama yang diambil oleh saya ialah memotong gaji Menteri, Timbalan Menteri dan pegawai tinggi sebanyak 10%.
4. Saya mengambil masa hampir tiga tahun untuk pulih semula ekonomi negara.
5. Keadaan UMNO pun lebih kurang sahaja. Tidak lama selepas itu Timbalan saya letak jawatan dan mencabar saya.
6. Tunku Abdul Rahman dan Tun Razak juga mengambilalih parti dan Kerajaan semasa keadaan tidak begitu sihat; Tunku selepas Dato Onn Jaafar keluar dari UMNO dan Tun Razak setelah rusuhan kaum berlaku dan Perikatan tidak bermaya.
7. Harapan Najib dia hanya akan terima jawatan Presiden dan Perdana Menteri di atas talam perak (silver platter) adalah alasan supaya dia tidak perlu bertanding pada Disember ini untuk jawatan Presiden. Mengetahui sifat suka senang Dato Seri Najib, Dato Seri Abdullah telah janji untuk melepas kuasa pada tarikh yang tidak ditentukan. Sekaligus Dato Seri Abdullah berjaya untuk melenyapkan kemungkinan dia akan dicabar oleh Dato Seri Najib. Dia (Abdullah) akan menang tanpa bertanding Disember ini. Dengan itu dia akan dakwa bahawa seluruh UMNO menyokong kepimpinannya. Oleh itu tidak ada sebab dia patut letak jawatan.
8. Jika setelah kalah teruk di lima buah negeri dan satu wilayah dia masih dakwa dia menang, mustahil apabila menang tanpa bertanding jawatan Presiden dia akan letak jawatan. Dia akan melegakan hati UMNO dengan berjanji dia akan kerja kuat untuk pulihkan semula UMNO dan Barisan Nasional dan selepas itu dia akan serah kuasa pada Dato Seri Najib.
9. Saya percaya di waktu ini ramai orang Dato Seri Najib sedang menentukan berapa ramai bahagian yang akan mencalonkan Dato Seri Najib. Dengan kenyataan Dato Seri Abdullah orang Dato Seri Najib akan dapati banyak bahagian-bahagian yang tidak lagi akan calon Dato Seri Najib. Tanpa mendapat 60 pencalonan Dato Seri Najib tidak akan isytihar kesanggupannya untuk bertanding. Kalau dapat pun dia tidak akan berani

mencabar kepimpinan Dato Seri Abdullah selepas janji yang dibuat oleh Abdullah.

10. Bilakah kita akan tahu hasil usaha pemulihan UMNO oleh Dato Seri Abdullah? Kita akan tahu dalam Pilihanraya Umum ke-13.

11. Saya percaya kali ini UMNO dan Barisan Nasional akan hancur langsung. Dato Seri Abdullah tidak akan jadi Perdana Menteri dan dianya tidak akan dapat serahkan jawatan Perdana Menteri kepada mantan Timbalannya, Dato Seri Najib Tun Razak.

12. Saya bukan nujum dan saya tidak dapat teka apa yang akan berlaku lima tahun dari sekarang. Tetapi saya boleh ramal memandangkan prestasi buruk UMNO dan Barisan Nasional dalam Pilihanraya Umum ke-12 dibawah pimpinan UMNO Dato Seri Abdullah Badawi yang di pengaruhi oleh anak dan menantunya. Selain daripada memberi gula-gula kepada Bahagian dan Cawangan, dan berbillion Ringgit kepada Sabah dan Sarawak tidak ada usaha yang menepati kehendak dan mesej pengundi dalam Pilihanraya Umum ke-12. Hanya dengan meletak jawatan barulah Dato Seri Abdullah dapat pulih UMNO dan prestasi Kerajaan Malaysia. Tetapi ini tidak sanggup dibuat oleh Dato Seri Abdullah. Oleh itu tidak ada harapan yang UMNO akan dipulihkan dan Dato Seri Najib menjadi Perdana Menteri.

13. Tan Sri Muhyiddin Yassin dan Dato Seri Rais Yatim akan terkapa-kapa tidak tahu nak buat apa. Apakah Tan Sri Muhyiddin akan bertanding Timbalan melawan Dato Seri Najib atau bertanding Presiden melawan Dato Seri Abdullah? Apakah jawatan yang hendak ditandingi oleh Dato Seri Rais?

14. Sesungguhnya dengan pengisytiharan persefahaman antara dirinya dengan Dato Seri Najib, Dato Seri Abdullah telah berjaya mematahkan segala cabaran terhadap dirinya. Disember ini Dato Seri Abdullah tetap menang tanpa bertanding.

10 Comments

By Sepupu AntiMamak on [June 23, 2008 2:09 AM](#)

Yang Berbahagia Tun,

Ini macam kita tanya perempuan lah, tanya " Berapa umur You?".
Jawab dia " I am born on 01 April, tahun tak boleh bagi tahu" .
Sensitive pulak bila nak tahu umur dia berapa.

" Macam macam Dunia ! "

T kasih

By GOMO on [June 23, 2008 6:45 AM](#)

Sihat hendaknya Tun disamping isteri tercinta.
buat sekarang ni dalam pemikiran Tun siapa yang layak untuk jawatan PM??? kalau Pak Lah NGOK ni keluar???

By HCM on [June 23, 2008 10:59 AM](#)

Dear Tun,

I dont have confidence in Najib either(banyak scandal). Any other candidates for PM post. Why you hate Anwar so much?

By syahrol on [June 23, 2008 11:16 AM](#)

Assalamualaikum Tun.

Dulu Melayu kita bersatu melalui UMNO, tapi sekarang Melayu pula berpecah melalui UMNO juga. Apakah tiada penyelesaian dalam permasalahan ini selain daripada Pak Lah meletakkan jawatannya.

Perlukah kita hanya perlu menunggu dan mengharapkan kepada UMNO sahaja? Adakah UMNO merupakan parti yang perlu memimpin negara ini. Dalam isu ini, seolah-olah rakyat perlu memilih UMNO sebagai parti tunjang yang layak memimpin negara ini. Saya tidak menyalahkan UMNO. UMNO lah yang banyak berjasa kepada rakyat Malaysia. Tetapi silapnya para pemimpin menggunakan UMNO sebagai jalan skim cepat kaya mereka.

Oleh itu, kesilapan daripada mereka sendiri yang menggunakan UMNO, bukan untuk berjuang, tetapi untuk mendapatkan durian runtuh. Rakyat sudah tidak ada pilihan lagi, Nak x nak kena tolak UMNO jugak. UMNO sudah tidak relevan lagi. Kalo ada parti lain yang wujud seperti UMNO skrg, kemungkinan PR (Pakatan Rakyat) perlu berusaha semula untuk naik seperti skrg ini.

By Tombraider02 on [June 23, 2008 12:24 PM](#)

Selamat pagi Tun,

Dua pegawai tertinggi BN kalau di campur umur mereka dah melebihi 100 tahun. Apakah sandiwara yang nak dimainkan oleh Pak Lah. Jawapan dah diberi oleh suara rakyat pada PRU12 yang lalu.

By [Muhammad Azli Shukri](#)  on [June 23, 2008 1:48 PM](#)

saya percaya tidak akan ada peralihan kuasa Disember ini..Pak Lah masih ingin terus berkuasa.

By Jembalang Tanah on [June 23, 2008 4:53 PM](#)

Salam Tun,

Saya jangkakan ramalan Tun akan jadi kenyataan walaupun Tun bukan Nujum dan saya pula bukan Dukun.

Pergolakan politik masa kini nampaknya menjurus kepada kemusnahan UMNO dan Kerajaan Malaysia. Sikap tidak bertanggungjawab Pemimpin Tertinggi Parti/ Kerajaan serta sikap 'Play Save' org no 2 Parti amat meresahkan kami rakyat jelata.

Bangkitlah Melayu, bangkitlah bangsa, jangan berdiri kerana UMNO tetapi bersatulah demi Tanah Melayu (Malaysia), jika tidak kita akan dijajah kemelesetan ekonomi dan diperintah kuku besi.

Tidak mustahil KJ akan jadi PM suatu hari nanti jika pergolakan ini tidak dibendung dan langkah drastik tidak di ambil..

Wahai Pemimpin (Khalifah Allah), pandanglah kami di bawah ini, janganlah aniaya kami dengan kenaikan sara hidup yang tinggi kerana kami adalah hamba yang hidup berkais setiap hari untuk mencari sesuap nasi.

Peliharalah Amanah Allah sebaiknya kerana kamu juga akan di adili di Mahkamah Agung tanpa mengira siapa kamu, siapa menantu kamu dan siapa besan kamu.....

Semoga Allah melindungi kami sekalian serta memberkati usaha Tun untuk melindungi kami Rakyat Jelata...Amin

By ketam sepi on [June 23, 2008 8:41 PM](#)

Ntah lah labu....biarkan biarkan.....!!!!

By shah on [June 23, 2008 9:39 PM](#)

Salam Tun,

Pernah tak Tun dengar peribahasa "Lembu Kena Cucuk Hidung" & saya rasa itulah perkataan yang sesuai digunakan.

Wassalam

By moose on [June 23, 2008 10:56 PM](#)

YABhg Tun

UMNO is a gone case. There's no way for YAB DSAAB to step aside and save the party. Actually, it is not his fault. He is a very nice but weak person. People around him take full advantage of his weaknesses.

YABhg Tun

When you pass the baton to YAB DSAAB, you failed to take into consideration the KJ factor. Not only KJ but also the others around YAB DSAAB, eg Dato Reezal, Dato Norza etc. These people will make sure DSAAB stay in power until PRU13, of course for monetary reason. There are a lot to be gain in four years.

YABhg Tun

I believe, in order to get DSAAB to step down, we must put pressure on the people around him. We can start by targetting, KJ, Dato Reezal and Dato Norza. These people are very close to the treasury. Exposing their character will eventually straighten things up.

Pray for your health.